

Nove postavke

Etnološka zbirka Muzeja Hercegovine posjeduje stalne postavke «hercegovačko selo» i «bosanska soba» koje su posvećene kulturi življenja na ovom podneblju.

U proteklom periodu napravljene su određene izmjene na ovim postavkama od čega izdvajamo kompletno osvježavanje svih izloženih eksponata te prezentaciju nekih novih primjeraka, čime je izložbeni prostor dodatno obogaćen.

Izvršeno je dodatno osvjetljenje na postavkama, a uz to je urađena i dvojezična signatura (bosanski / engleski) svih eksponata. Napravljeni su i dvojezični informativni paneli čime će posjetiocima biti znatno olakšana orijentacija i kvalitetniji obilazak postavki.

Izložbeni prostor Muzeja Hercegovine Mostar je bogatiji za još jednu stalnu postavku.

Naime, kustosi muzeja su iz bogate arheološke građe izložili postavku sa iskopinama sa područja čitave regije Hercegovine.

Riječ je o iskopinama sa lokaliteta: Cimska bazilika, lokalitet Starog mosta (Mostar), bazilika u Žitomislićima, predmeti pronađeni u Stocu i okolici, Duvnu, Posušju, Zelena pećina i Stjepan grad (Blagaj) i drugi lokaliteti u Hercegovini.

Također još jedna od novosti koju će posjetioci našeg Muzeja imati priliku razgledati jeste i zbirka gipsanih otisaka pečata Srednjovjekovne Bosne (sa uvećanim fotografijama najinteresantnijih eksponata) koji svjedoče o hiljadugodišnjoj državotvornosti BiH.